

欽定平定教匪紀略

欽定平定教匪紀畧卷二十八

十二月二十一日甲寅董誥等奏言臣等連日將

山東省拏解之宋玉林李盛得等犯訊以馮克  
善前在德州與宋躍瀍謀逆情事並嚴訊馮克  
善以各處有無同教同謀之人據宋玉林卽宋  
希虞供我是德州人同父親宋躍瀍俱跟馮克  
善入離卦教本年二月間馮克善叫我同他進

京往宋家莊見林清商量起事隨走到保定府  
唐家衡衙馬老家馬老太雇車送到林清家  
中給林清磕頭我聽見林清對馮克善說定期  
起事的話住了三天回去八月間馮克善又到  
我家告知李文成於九月十五日在滑縣造反  
叫我同父親臨時帶著徒弟李文明朱杼甲劉  
添祥劉元李盛得並伊子李三李四高姓記不

得名字李幅田劉銀周宗城周學治周自得侯  
添幅侯添祥侯添正侯添成侯添祿葛文智葛  
立業姜雪崖姜黑兒姜慶兒陳文思幫同鬧事  
我父親因人少不能去馮克善說既人少不能  
去你們等李文成反到山東帶徒弟們迎接我  
父親隨同我買布做旗傳給徒弟們明號暗號  
一體預備迨後總沒見李文成馮克善們反來

直到十一月初十日馮克善來至我家纔說要  
往蒲州去尋他師傅唐鬍子的話並說陝西還  
有大頭目手下也有好幾萬人都是十二月十  
九日動手俟反到山東在德州紮營把元帥印  
交我父親掌管一齊進京我父親信了他的話  
就措盤纏送他並借了劉家誥軸給他護身的  
至莘縣靳家地口的靳希盛他父親靳三是東

昌府姓邵的徒弟也是離卦他手下的人極多  
現在均未同馮克善造反是實李盛得供我是  
直隸故城縣武生拜宋躍澐爲師入離卦教本  
年八月內馮克善來說李文成人馬過德州時  
叫我們在宋躍澐莊上築牆立寨屯著糧草人  
衆等候跟上北京去我們莊上惟有宋樹得不  
肯隨順他說死也不從其餘我的徒弟李文明

侯添幅侯添正侯添祥侯添祿侯添成黃潮住  
陳榮李幅田徐方平高連三高連山趙順張大  
幅蘇連成馮貴陳裕田都知道明號暗號的又  
據馮克善供蒙訊我此外有無習教鬧事之人  
現在滑縣尚村有個郭老殿是陰成德的徒弟  
聽說做過夏邑縣教官却並未見他隨同鬧事  
此外李文成手下頭目我又想起張德水張老

瑞俱是滑縣護古小鎮兒人又南陽府南太平  
坡有個離卦馬三元手下徒弟甚多又聞潼關  
有郭魁武郭魁文二人俱拜牛亮臣爲師手下  
也有徒弟等語并將供出各犯年貌清單繕呈  
御覽奏入

上命軍機大臣傳諭那彥成曰現復訊據馮克善供  
稱李文成手下頭目張德水張老瑞俱係滑縣護



古小鎮人等語著那彥成派員按照所供年貌住址查拏並於滑城擒獲活賊詳查該二犯是否在內提訊各犯時亦一併留心查辦

上又命軍機大臣傳諭章煦曰現據宋玉林供出林清徒弟馬老太在保定府唐家衚衕居住等語該犯居住省城馮克善來往京城皆在伊家住宿必係逆黨著章煦嚴密查拏務獲研訊該犯有無同

謀助逆情事錄取確供具奏卽行正法又據宋王  
林供出宋躍濫徒弟劉元係故城縣劉鵝鴨村人  
周學治周宗城周自得係故城縣大馬房人又宋  
躍濫之徒李盛得供出該犯徒弟侯添幅侯添正  
侯添祥侯添祿侯添成係景州城內定子街人黃  
潮住陳榮係景州留智廟人李幅田徐方平高連  
三高連山趙順張大幅蘇連成馮貴係景州故召

金匱要略卷之二十一  
五  
村人陳裕田係德州人寄住景州故召村並著章  
照派委妥員詳對姓名年貌按照查拏拏獲後訊  
明有無入夥謀逆情事錄供奏聞分別辦理并將  
該犯等年貌清單抄寄閱看

上又命軍機大臣傳諭同興曰據宋玉林供伊父宋  
躍濇徒弟內有葛文智葛立業俱德州李老村人  
姜雪崖姜黑兒姜慶兒陳文思俱係德州王官店

人劉銀係景州人住李老村著該撫卽密派妥員  
按名緝獲嚴訊宋躍濫曾否糾約伊等謀逆錄取  
確供奏明辦理又莘縣靳家地口地方有靳三及  
其子靳希盛據宋玉林供稱俱習離卦教係東昌  
府郃姓徒弟手下之人極多並無與馮克善謀反  
等語著該撫派委妥員密赴莘縣將靳三父子緝  
拏到案訊明有無從逆情事錄供奏聞分別辦理

並將該犯等年貌清單抄寄閱看

上又命軍機大臣傳諭方受疇曰現據逆犯馮克善供出有滑縣尚村居住之郭老殿曾任夏邑縣教官係陰成德徒弟前次滑縣滋事時未見郭老殿在彼又南陽府城南太平坡有離卦教馬三元年三十七八歲有鬚無麻面赤手下徒弟甚多等語郭老殿身任職官隨同習教實屬不法是否隨同

謀逆馬三元一犯住居南陽曾否赴滑縣入夥著  
方受疇卽速分派妥員將該二犯嚴密查拏務獲  
到案訊取確供奏聞分別辦理

上又命軍機大臣傳諭朱勲曰現據逆犯馮克善供  
潼關地方有郭魁武郭魁文二人係拜牛亮臣爲  
師手下均有徒弟等語郭魁武郭魁文旣拜牛亮  
臣爲師入教傳徒殊爲不法著該撫卽速密派妥

員查拏務獲到案後訊明該犯是否僅止入教抑  
有糾夥謀逆情事卽行錄供奏聞分別辦理

十二月二十二日卯

上諭內閣曰紫禁城四門內外該班火器營官兵衝  
寒宿衛晝夜巡查現居歲除宜加恩賚以贍其室  
家度歲之需所有花翎護軍校及護軍校藍翎長  
二百二十四名著每名賞給一兩重銀鏤三個護

軍二千四百十六名著每名賞給一兩重銀鑲二  
個交該管大臣按名分給

是日和寧緒莊慶惠誠安華連布奏以失察王  
士青等傳習邪教自請嚴議得

旨和寧等俱著交部嚴加議處

十二月二十三日硃方受疇奏言竊臣由省城

前赴滑縣路經封邱一帶督飭地方員弁拏獲



逸匪李善球等解省審辦察看各卡隘兵勇整  
齊防守嚴密十四日行抵滑縣與那彥成等會  
晤得悉滑城克復之後救出難民二萬餘人除  
經親屬保領外尚有萬餘婦女居多當飭府縣  
根訊確實卽在附近村莊妥爲安插遵

旨散給兩月口糧其被賊蹂躪村莊均委員分投確  
勘另行

奏請賑卹至滑縣城內官廨民房先被逆匪燒拆  
大半復經官兵火攻悉成灰燼城垣殘塌修費  
浩繁容再另行核辦其道口地方居民已漸次  
復業所有凱撤官兵緝拏逸匪以及安撫事宜  
臣均督同台斐音分別妥辦臣回省之便並將  
南北兩岸及歸德等處防守弁兵應撤應留詳  
慎經理至滑縣老岸鎮地方爲教匪起事之所

金匱要略卷二十一  
前巡檢劉斌被賊戕害遺缺緊要查有陝州朱  
陽關巡檢秦丙堪以調補又滑縣典史陳寶勲  
捐軀明志遺缺亦屬緊要查有投効軍營之原  
任洧川縣告病典史霍瑞蘋堪以補用伏候

諭旨遵行其老岸鎮巡檢印信遺失並請補鑄

頒給再軍興以來需員孔多查試用縣丞鍾梁試用  
未入流金端木捐職丁憂縣丞裴奉恩原任貴

州遵義營革職都司白鳳山又山西人王裘係  
王直望之子投効至豫均不辭勞瘁甚屬出力  
合無仰懇

聖恩加之鼓勵謹將各該員詳細履歷繕呈

御覽奏入

上諭內閣曰方受疇奏請揀員調補巡檢各缺等語  
滑縣地方甫經賊匪蹂躪亟須幹員協同經理著

欽定四庫全書  
卷二十八  
准其以秦丙調補老岸鎮巡檢霍瑞蘋補授滑縣  
典史其老岸鎮巡檢印信著該部另行鑄給

上又諭內閣曰方受疇奏軍營巡緝防守出力各員  
弁懇請鼓勵等語加恩著照所請試用縣丞鍾梁  
試用未入流金端本俱准其遇缺卽補捐職縣丞  
裴奉恩准其留於豫省照例捐足服闋後補用原  
任貴州遵義營革職都司白鳳山准其留於豫省

撫標差委如果始終奮勉酌量以千總拔補其所  
請王裘隨營緝犯量予鼓勵之處著不准行

十二月二十四日丁董誥等奏言臣等將托津

奏獲解京之梁健忠一犯詳悉研訊據供係河

南安陽縣人年七十一歲我父親梁登周拜同

縣劉端爲師習九宮教父親故後我就接管收

劉宗林爲徒劉宗林亦收劉幗明郭明儒爲徒

劉幗明又收李文成爲徒嘉慶十三年劉宗林  
向我商量傳教收徒得錢分用起意設立號簿  
凡入教的給錢自二三十文至數百文不等給  
糧食自一二升至一二斗不等交郭明儒登記  
號簿所有麥試秋試等官職都是劉宗林捏造  
的十六年間林清來至滑縣講理我歸順林清  
他就封我爲離宮伯大兒子梁方爲麥試次子

梁蔭爲秋試今年九月他們造反我因年老未  
去我次子梁蔭前往幫助的又據劉第五卽劉  
宗林供係滑縣人年五十一歲我先拜梁健忠  
爲師入九宮教不論男女俱行傳習因人多設  
立號簿並刊刻圖記分給合同凡入教的俱送  
我們糧食錢文使用迨至十六年上半亮臣將  
林清引至滑縣傳我們八字真言並明號暗號



說事成後封我爲一品大宗師教內的人俱加  
封官職給予地畝這簿內共計男婦大小有三  
千八百餘名所有入教的送來糧食俱經賣錢  
與所收錢文由劉幡明經手送交林清收用了  
至另單所開林老三卽是林清牛老明卽牛亮  
臣李文成于克敬申文顯劉幡明宋克俊魏得  
中袁貴郭明儒王學王道隴張鳳祥劉成章李

存信翟清林劉趙林張幘士張幘祥孫敬義趙  
幅都是頭目所以於號簿內提出存記本年九  
月劉幘明同我徒弟魏得中們進滑城搶李文  
成時我因在家掌管簿記故未同行等語合將  
該二犯供詞繕呈

御覽

是日長齡奏言竊臣於十二月初五日接據鳳

翔府知府王駿猷岐山縣知縣廖祚輝同日稟  
報該縣屬三才峽地方向有做木廂商人僱覓  
民人砍伐柴塊因停工乏食糾約該處貧民搶  
掠糧食聚集數百人等語又接撫臣朱勲來信  
業已酌帶弁兵親往郿縣一帶搜捕等語臣查  
核該處地理情形朱勲現在辦理均屬周密且  
已咨會漢中鎮吳廷剛帶兵前往署提督常祿

亦派守備馬輔相千總王佳才帶兵堵截該處  
文武皆係熟諳緝捕之員斷不致逆匪漏網惟  
本年南山一帶收成歉薄該處無業貧民最易  
裹脅恐人數增多搜捕稍需時日臣當卽飛飭  
南山各營將備各帶官兵由所屬交界相機前  
進四面圍截並於甘省秦階二州縣所屬路通  
該處之利橋三岔徽縣兩當唐藏太渠等處均

添派文武妥員前往各隘口嚴密堵截一面派人赴該處偵探倘一時未能辦竣臣卽帶領河州兵五百名親往督辦已將應派官兵密爲挑備不令張揚至省城關係綦重督標兵丁前已派赴河南千有餘名此時不便再行選派以昭慎重均奏入

上命軍機大臣傳諭那彥成曰本日刑部奏訊據獲

犯劉宗林供稱該犯係滑縣人與李文成劉幅明  
同拜梁健忠爲師招人入教不論男女老幼凡在  
左近村莊者誘令各出糧食錢文先係該犯與梁  
健忠收用至十六年間牛亮臣引林清到彼該犯  
又從林清入教林清約令謀反許以事成之日封  
爲一品大宗師凡教內之人俱加封官職給與地  
畝共計男婦大小三千八百餘名口皆曾送過錢

文糧食設有號簿該犯將糧食賣錢同所收錢文  
交劉幗明經手送林清收用至另單所開者因係  
頭目是以於號簿內提出存記等語劉宗林聽從  
林清入教謀逆領受偽封並煽惑鄉愚收取財物  
輾轉接濟林清罪惡貫盈難逃誅殛除將該犯訊  
明辦明外單內所開各頭目核之那彥成兩次奏  
到賊目清單大半俱已殲斃惟張鳳祥劉成章翟

清林劉趙林張幅士張幅祥孫敬義趙幅八犯尙  
未拏獲此等同惡相濟之徒斷不可任令漏網務  
卽趕緊飭拏務獲其送給該犯糧食錢文之男婦  
大小三千八百餘名除婦女不論外其餘是否僅  
止受騙出財抑有隨同叛逆者並著開單寄交那  
彥成查明具奏分別核辦

上又命軍機大臣傳諭章煦曰現在滑城雖已克復



而逆黨在逃未獲者尙多如節次飭拏最要逆犯  
劉第五等五名次要逆犯七十餘名均無下落大  
約總仍在直隸境內窩藏伏匿著該署督嚴飭地  
方文武員弁認真躡緝務須按名弋獲照律懲辦  
以絕根株斷不可以軍務已竣稍有鬆懈再故城  
鉅鹿二案除霍應方一案已據奏審明辦理外其  
田克岐案內李經父子等犯俱已到案該署督迅

速審訊質証明確一面奏明一面按律辦理

上又命軍機大臣傳諭長齡曰長齡奏陝省岐山縣  
地方匪徒滋事情形一摺直省地方遇有軍務事  
件應用五百里馳奏設情形緊急則用六百里此  
次三才峽匪徒糾搶長齡已派撥官兵預備往剿  
卽用馬遞奏聞已覺遲緩乃差人賁呈陝甘距京  
遼遠遲至半月後始到長齡實屬糊塗昏憤何不

曉事至此伊係棄暇錄用之人前在河南巡撫任  
內失察教匪謀逆未經懲處轉加恩擢用總督寧  
不知愧知奮仍復因循怠玩不以事爲事長齡著  
傳旨申飭前已降旨派該督帶兵一千名速赴陝  
省日內諒已起程伊途間接奉此旨著無分晝夜  
兼程行走迅抵該處察看情形應如何剿撫妥爲  
籌辦先由五百里奏聞前日據朱勲奏該匪徒等

逐漸裹脅已多至三千餘人並有另股之賊富僧  
德等所帶兵力尙恐不敷已續派楊遇春挑帶吉  
林黑龍江等處勁兵馳赴陝省會同該督辦理並  
據那彥成奏派楊芳先往此次官兵聲勢甚盛該  
督當與楊遇春妥爲經理迅速肅事勿再玩延致  
干重咎現又據御史王庭華奏北山延安鄜州等  
處上年頻肆搶奪近日復有匿名揭帖煽惑人心

等事北山近年游民甚多又值歉歲不可不加意  
防範此時速將南山匪徒辦淨則各處人心俱安  
倘遲延日久北山再有勾引所關匪細長齡一面  
迅速籌辦南山剿撫事宜一面密飭延郎一帶文  
武官弁時刻留心鎮靜彈壓勿稍疎虞

十二月二十五日

戊午

那彥成楊遇春方受疇奏

言竊照豫省軍務告竣之後尙有一切應行事

宜臣等復會同悉心籌畫謹縷晰陳明伏候

聖裁一滑縣蕩平之後撫綏化導治理尤難非初任

人員所能整頓應請改爲繁缺以符名實一各

處雇募鄉勇應飭令原保之人保回安業除滑

濬二縣鄉勇器械已由臣那彥成就近查繳外

其餘各州縣由臣方受疇查照辦理一鐵匠鋪

戶勿許私造鎗刀如違按律問擬一滑縣被賊

村莊甚多除已蒙

賞給兩月口糧現又另行奏請給賑外所有歷年積欠及本年錢糧可否

恩施豁免十九年錢糧並請緩至秋後啟徵俾紓民力其封邱陽武延津考城蘭陽新鄉獲嘉輝縣林縣等處被賊村莊並懇將歷年舊欠錢糧豁免本年錢糧緩至來年麥後啟徵一逆犯田地

房屋應派員查辦毋任隱匿牽連一道口鎮應  
設立縣丞把總各一員以資彈壓一被戕文武  
員弁及陣亡兵丁應查明分別

卹賞其城鄉士民以及婦女人等守節捐軀均應查

明造冊咨部彙題

旌表以上各條均係現在急需辦理之事恭候

聖訓施行



那彥成楊遇春方受疇又奏言查此次逆匪滋事各處雇募鄉勇所有支給口糧製備衣械以及各處城濠應行動項挑挖之處經部覆准均毋庸議惟是此次匪徒謀逆界連三省除滑縣之牛市屯新鎮及商邱之劉家口等處並大小村莊俱經紳民自行團練保護外至省城重地並沿河近賊州縣官兵均已調派出征城無備

禦岸乏巡防實不得不募勇防堵該鄉勇等晝  
夜勞苦勢難枵腹從事亦斷不能令其自備口  
食合無仰懇

皇上天恩俯准每名每日給發口糧一錢以示體卹  
至省會及近賊州縣城垣稍有殘破之處已由  
該地方官自行捐修外其城身賊裂堞口坍塌  
過甚者需費孔多又各濠池因風沙颶積淤成

平地若不挑挖寬深難資守衛前值圍攻喫緊  
之時誠恐賊衆潰圍竄擾臣那彥成飭令河南  
糧鹽道張翺親往彰衛懷等處查勘確估督令  
趕辦完竣查驗如式應請將修城工料照軍需  
例案准其動項其挑濠土方夫價循照舊案於  
地糧內攤徵以免賠累

那彥成楊遇春又奏言查奉

旨緝拏各犯其王老得一名業已拏獲訊係縱令婦  
人吃齋作會核與馮克善在京所供並非同教  
之說似相脗合現在飛提家屬訊明再行核辦  
又劉第五供出之小頭目張鳳祥一名續經拏  
獲訊明實非教匪當卽釋回又劉第五供出之  
小頭目趙幅一名幅與福字音同查趙得隴卽  
趙幅業已奏明殲斃似應開除又馮克善供出

之坤卦頭目衛修得一名係濬縣東關人訊無  
其人惟濬縣東門內有韋老花之子韋振宗係  
坤卦散頭人經伊父於滑縣鬧事時細縛送縣  
已正法訖該縣東關實無衛姓亦應開除又馮  
克善供出之李長更一犯係濬縣楊喜屯人今  
訊據獲犯供稱楊喜屯有教匪李如蘭是離卦  
散頭人並非頭目已在滑城殲斃至滑縣新寨

有李常春李長更弟兄二人係艮卦散頭人李  
常春被礮轟斃李長更於官兵攻城時自縊斃  
命是李長更一犯亦應開除其餘未獲各犯仍  
嚴行查緝

那彥成楊遇春又奏言查滑城賊衆盡數殲擒  
其開州長垣東明一帶昨托津來營面晤據稱  
搜捕已盡又接同興來信東省邊界早已肅清

臣等察看大局再無意外之虞惟善後必應慎重現今直隸邊境稍虛已令富蘭等分駐彰德順德留馬瑜駐劄開州俟至正月半後再議歸伍其山東防兵亦飛移同興酌撤一半至各處習教者雖多然賊匪初起之際未被脅從卽賊匪鴟張之時亦未蠢動卽如李文成所竄之處率皆習教之區願同行者業已同行其未同行

者雖習教而尙知畏法現在滑城斬馘幾至三萬餘人實足大加懲創甚於王倫臨清之案人心警懼不致再有蠢動至查訊賊匪一事臣等因投出難民婦女居多派員審訊詳細辦認究出正賊實有四百餘人並賊犯家屬七八十人業已分別辦理其城內搜捕餘匪除奏明擒獲五百餘人外連日又在地窖中搜出三百三十



一名均係無名賊匪亦卽審明正法並無難民  
在內臣等凜遵

聖訓旣不敢縱脫要犯尤不敢戮及無辜至賊首除  
僞稱三皇八卦王外其僞稱卦伯者不一而足  
卽如馮克善在京所供八卦伯僅止六十四人  
而此間節次殲獲及直隸山東殲獲所稱某宮  
伯者不止三百名情節又不相同滑城內外賊

屍狼藉焦爛似此無從辨認者亦復不可勝數  
臣前次開單所奏如已殲擒之李冬狗張大小  
子張二小子邢二瞎子之類皆未列入此等無  
名賊夥開不勝開所有八官伯亦係小賊並非  
著名應請無庸再行開單以免煩複再前奉

旨飭查托津所獲教首梁健忠是否係李文成之師  
等因臣提訊獲犯秦理供稱梁健忠本係八卦

會內九宮卦首平日喫齋坐靜同教人都信服  
幫給銀兩李文成向亦敬奉因林清說梁健忠  
所傳教道不真李文成同衆人到梁健忠家講  
論爭作卦主梁健忠因勢力不敵始將家存教  
內經卷底簿交給李文成掌管後來李文成就  
歛取衆人銀錢送給林清等情是梁健忠亦係  
卦首而並非李文成之師再奉

旨查拏馮克善家屬經臣提齊該犯族人武舉馮克  
功武生馮克寬馮克忠等俱稱馮克善是同曾  
祖弟兄我等早已分居他有胞弟馮克文馮克  
旺堂兄馮克換堂弟馮克昌同院居住均經先  
後正法馮克善平素專好賭博打架我們各有  
生業不能管教是實並不知其有習教謀逆之  
事九月初三日牛亮臣在縣供出他是邪教隨

卽逃走後來教匪入城我們都在城內受困並未助賊馮克善前妻焦氏已故並無子女繼娶劉氏生有一女名喚梅妮纔一歲並無子嗣又據馮克善之妻母劉徐氏所供相同並稱那日破城我逃出城外寄住道口親戚家女兒及梅妮在城實不知生死等情覆加究詰供無異詞查馮克善在京供出伊妻焦氏子坤牛女明兒

與臣等現訊各供不符至其繼妻劉氏及女梅  
妮既在城中現無下落諒已被官兵殲斃臣仍  
當留心訪查明確

是日朱勲奏言竊臣於本月十七日接准吳廷  
剛來信賊匪萬五連日攻破寨砦肆行裹脅並  
有土棍隨從入夥者共約四五千入當經選派  
留壩營遊擊米章帶領奮勇官兵五百名於十

三日起至袁家莊該匪佔據左右山梁十餘處  
喊聲震地鎗破矢石如雨賊衆兵單勢甚危急  
經左營藍翎把總王洪謨中營藍翎把總趙富  
外委朱貴帶領兵丁搶上右面山梁藍翎千總  
周炳南候補守備白玉喜帶領兵丁搶上左面  
山梁均不避鎗矢奮勇前進自辰至申兵賊不  
分往來攪殺賊勢漸形潰敗我兵勇氣百倍殺

賊四五百人生擒二百一十六人滾崖跌斃者  
不計其數搶獲大礮十七尊火鎗九十七桿長  
矛一千餘桿大小旗五十一面騾馬二十匹餘  
匪分散逃匿旋有搶糧賊匪又被我兵殺斃二  
三百人訊據活賊供稱頭目陳老九李老四王  
貴等均已殺斃大頭目萬包頭卽萬五余九不  
知下落隨將活賊盡行梟示我兵帶傷者亦有



數十餘名各等語專差外委敖鳳將割獲耳記

二百四十一副咨送前來臣查此股賊匪既經

此番痛剿自未敢逸出老林現在陝安鎮臣祝

廷彪又續調兵五百名共有一千名已抵石泉

臣已飛咨吳廷剛就近會商分投搜捕至尤九

股匪雖據楊二供稱意欲投首但該匪等恐未

必全行就撫應俟泥峪駁匪投出之後卽派楊

二等前往招撫並札知吳廷剛祝廷彪等仍將  
尤九股匪剿撫兼施以期迅速歲事再鄂縣太  
平峪口內搶掠匪徒查係吳彪林老么毛貴等  
夥同無業貧民搶奪糧食經護總兵達凌阿協  
領成瑞帶兵於十五日趕至炭場拏獲二十餘  
名餘匪竄入老林現有趙騾子與該匪等熟識  
已飭令前往招出投首查該縣距省甚近署提

臣常祿已卽日帶兵前赴太平峪督辦再據吳  
廷剛來信搶獲礮位鎗矛俱存袁家莊查該處  
距四畝地不遠臣已飭令四畝地弁兵將礮位  
等件就近運交寧陝廳存貯現據署藩司繼昌  
督糧道周光裕各解銀一千兩到營以備犒賞  
臣已酌撥吳廷剛祝廷彪兩路軍營分賞弁兵  
加之鼓勵

朱勲常祿額勒金太又奏言竊臣常祿正擬帶

兵前赴鄂縣剿捕太平峪匪徒適據報有匪徒

數百人竄近辛峪口臣額勒金太臣常祿隨即

帶領滿漢馬步官兵一同馳往又據探報該匪

已逃至西駱峪臣等所帶馬隊先到該匪正在

紛紛竄出峪口官兵鎗箭齊發殲斃匪徒二三

十人匪徒隨即退回峪口奔上山梁山路陡險

馬隊不能前進卽催調步隊前來到時天已  
傍晚仰攻不能得力臣等隨將各要隘派兵拏  
卡分投搜拏餘匪共拏獲五十餘名內有楊二  
之弟楊三在內據供伊兄楊二情願投首臣等  
卽派把總左國先帶同楊三並趙七前往曉諭  
首犯楊二於次日卽自縛投首並帶同夥匪八  
十八名前來乞命臣等當卽差人前赴山梁收

繳器械共大旗五面矛子二百餘桿鳥鎗十餘  
桿隨詰以現在器械多至二百餘件何以人數  
只有八十八人據楊二供稱昨日猝遇官兵剿  
殺又被四面圍住夥衆連夜滾坡逃走等語

臣

常祿<sub>臣</sub>額勒金太當將楊二等八十八人交

臣

朱勲訊問據楊二等供稱伊等向在三才峽包  
攬木廂傭工度日因本年糧食昂貴木商於十

金史卷一百一十五 食貨志  
三十一  
一月初間停工無可覓食同包工之萬五等共  
二百餘人向該木廂商人借貸糧食不允隨商  
同搶掠嗣有開藥舖之李鳳鳴赴汎首告造反  
衆人畏懼卽逃過太白山梁擬卽散夥萬五不  
依逼令楊二充當頭目沿途裹脅共有四五百  
人竄至獨獨河青龍寨佛爺灘厚畛子一帶往  
來掠食萬五將木廂焚燒裹脅做廂工人人數

日多並將伍家堡攻破殺傷人口又有山南匪徒陸續前來合夥楊二不敢收留俱歸入萬五夥內楊二心存畏懼並因臣朱勲遣人持示曉諭隨卽分夥其時萬五夥內已聚有三千餘人向南奔竄萬五係四川人意欲回川尤九帶同千餘人向東奔竄楊二率同伊弟楊三等三百餘人向北由陳家河一帶竄至辛峪口內聞官



兵堵剿不敢遽出十六日遶赴西駱峪口因臣

常祿又加曉諭收撫是以楊二率同駭衆八十

八人投首其餘駭匪逃赴泥峪等處已派知縣

呂明選帶同楊二等前往峪內出示招撫並據

供稱尤九一股亦欲投出楊二情願往招等情

查楊二帶出駭衆多係陝西民人隨即散給口

糧分別解回原籍管束其外省民人十一名暫

行分別保押

臣

額勒金太仍在西駱峪口駐紮

派兵搜捕零匪

臣

常祿帶兵赴鄆縣太平峪督

辦招撫再前據署寶雞縣向淮稟稱賊目桂老

九赴卡投首據供曾與萬五同夥萬五因該犯

曾充鄉勇派令作爲頭目該犯不允萬五隨將

該犯細縛行至燕子嶺掙脫逃回等語

臣

先因

該犯一面之詞未可憑信飭令該縣暫行管押

茲訊據楊二等與桂老九所供相符且查桂老九一犯本有家室卽飭交鄉約保領

同日同興奏言竊東境剿辦逆匪所有出力文武員弁前經

奏明存記俟本省肅清後察看該員等如果始終奮勉再行分別保

奏今軍務告蒞謹將始終出力各官兵職名繕寫

清單據實保

奏伏祈

施恩鼓勵再四川提督多隆武前經奉

旨派赴東省協剿今三省逆賊全除邊防裁撤本省

鎮將足敷巡防多隆武係提督大員自應令卽

回四川本任理合具奏請

旨

金匱要略卷之二十一  
同日衡齡奏言查唐鬍子卽唐恒樂一犯已經  
豫省拏獲其朱大桃一犯亦係馮克善捏造應  
卽遵

旨停緝惟尙有應緝陝省潼關之王忠順陳恒義王  
風等三犯查潼關與蒲解所屬永濟榮河臨晉  
平陸芮城等五縣有大小渡口十九處在在相  
通恐其渡河入晉先經密飭兵役巡查茲聞南

山內又有匪徒滋事並欽奉

諭旨飭緝最要次要各逆犯是河岸一帶更關緊要  
臣又面飭蒲州府協等常川更替親赴稽查每  
十日具報一次至滑城現已克復所有太行山  
外駐兵應卽遵

旨次第裁撤現已分咨鎮臣張續祥泰等先將山外  
大同官兵二千餘名分起撤回再將山內各卡

官兵接續裁撤臣查勘渡口完畢仍親赴潞澤  
照料撤兵其前獲賊匪牛世旺一名業已按律  
正法

同日胡克家奏言查滑城克復堵緝零匪關係  
緊要臣節據派出防堵之叅將明保守備劉仰  
魁盤獲竄匪方廷玉劉聚吳大馬三名投効同  
知陳其松督同訓練鄉勇之生員許所望府經

歷徐蘋拏獲陳千里李鳳翔張墜兒楊斌王志  
學五名臣逐一親提審訊內方庭玉劉聚卽劉  
第二均係艮卦教同進曹縣戕官殺人抗拒官  
兵吳大馬卽王成陳千里均係震卦教曾在髡  
山及定陶等處與官兵打仗殺人李鳳翔張墜  
兒均係坤卦教曾在道口及滑縣城外與官兵  
打仗殺人楊斌王志學均素習拳棒楊斌曾在



滑縣西門外拒敵官兵受傷王志學曾在長垣  
縣西門外與官兵打仗殺人俱各供認不諱當  
卽按律分別凌遲正法梟示現在安境邊隘甚  
屬寧謐臣仍飭令防堵各員晝夜梭巡留心盤  
詰以期盡絕根株均奏入

上命軍機大臣傳諭那彥成方受疇曰那彥成等奏  
會籌善後事宜一摺滑縣等處被賊蹂躪民氣未

復自應加恩蠲緩此外如將滑縣改繁及於道口  
增設官弁之處均係因時制宜已明降諭旨准行  
外其禁止舖戶私造刀鎗嚴定章程亦應照所奏  
辦理又叛產一條前經降旨飭查方受疇應卽派  
委廉明公正之員及時經理毋致牽連隱匿又所  
稱在事文武員弁投効人等以及城鄉各處士民  
婦女猝遭戕害殉節捐軀均堪憫惻自應分別卹

賞旌表著於查明後彙冊具題以嘉義烈至請令  
鄉勇安業收繳器械一節雇募鄉勇本非正辦此  
時自應卽速散遣毋令日久聚集致滋事端其各  
州縣收繳器械之處尤有關係著卽妥爲經理務  
須淨盡不得草率至另摺奏請給發鄉勇口糧之  
處此則斷不可行前已屢降諭旨不許雇募鄉勇  
伊等私行雇募本有不合念其一時權宜不加深

責此時伊等何得再以例外口糧濫請支給斷不能准所有此項口糧將來報銷時不得灑銷滋弊其所奏近賊州縣修浚城濠一事據稱除挑濠土方夫價循照舊案於地糧內攤征外其修城工料請照軍需例案動項等語修城工料不應歸入軍需著仍照例報部應准應駁再行核辦至所奏殲除賊目甚多如八官伯之類素非著名無庸再行

開單等語賊匪既有偽封自係有名賊目若不逐一詳查目前既恐漏網日久又慮滋蔓那彥成仍當遵照前旨確實查明分別已獲未獲已殲未殲據實奏明以憑核對其已獲已殲者即可諭令各省停緝其未獲未殲者亦可指名嚴拏又另片奏查訊馮克善家口與其在京供詞不符一節除現在再向馮克善覆訊外該犯妻女二人一時未能

查出尙無緊要至伊旣自供有子坤牛遺孽斷不  
可留那彥成仍當確查下落毋致倖脫至馮克善  
之堂兄馮克功前據馮克善供稱本年八月十三  
日曾將該逆及牛亮臣在滑縣首告此事是否確  
實若馮克功果曾首告該逆則是深知大義此事  
由伊破案不可不加以獎賞並著查明覆奏其另  
單內簽出董伯旺一犯已經徐錕報獲之處本日

據托津奏稱在彼時曾將此犯審訊尙不確實那  
彥成仍當一體飭緝爲要再吉林黑龍江官兵此  
次打仗間間有受傷者應先令凱旋以示體卹著  
派蘇清阿卽將此項受傷官兵及稍覺疲乏者先  
行管帶啟程到京歇息數日後再令其各回原處  
上又命軍機大臣傳諭長齡楊遇春朱勲曰據朱勲  
奏官兵痛剿萬五股匪並首犯楊二率衆投出各

摺賊匪萬五膽敢率衆焚搶攻破寨砦裏脅至四  
五千人之多經該鎮吳廷剛帶領官兵奮勇剿捕  
殺賊四五百人生擒二百餘人滾崖跌斃者不計  
其數奪獲鎗礮騾馬等項所辦尙好其大頭目萬  
包頭卽萬五是否殲斃抑率衆逃竄必須查明實  
在下落陝安鎮祝廷彪此時已與吳廷剛合兵一  
處昨曾有旨令長齡星夜馳赴該處軍營督辦其



楊遇春所帶吉林黑龍江馬隊不日亦應到彼亟  
當趁此兵威將烏合賊衆一鼓掃除爲要切勿心  
存姑息痛改因循疲玩惡習若不遵旨決不輕恕  
至萬五股匪糾合滋事爲時甚暫何以得有大礮  
十七尊火鎗九十七桿之多此項礮位各件旣據  
運交寧陝廳收貯卽著就近查明有無鐫刻字樣  
該匪等於何處搶刦並訊明活賊供詞具奏至楊

二一犯隨同萬五充當頭目搶掠裹脅係拏獲應  
行正法之犯此時畏懼率衆投出但當貸其一死  
仍應發遣給額魯特爲奴若竟予縱釋小民無所  
畏法屢叛屢降何以禁止除楊二率同投出之八  
十八人本係脅從著照朱勲等所奏分別安插外  
其楊二一犯仍著交該地方官監禁一面定擬具  
奏辦理地方偶遇災歉自當妥爲撫卹無俾失所

若至聚衆搶掠抗拒官兵是爲亂民總以剿捕爲  
正辦其被剿緊急畏懼乞生亦止可寬其脅從至  
爲首倡亂之人仍不可一例姑息如該督等心存  
畏難率欲將就了事一以招撫爲策不顧縱奸貽  
患必當重治其罪凜之又據另片奏桂老九一犯  
赴卡投首據供萬五曾派伊作小頭目該犯不允  
萬五隨將伊細縛行至燕子嶺掙脫逃回等語現

在楊二供亦相同如果屬實桂老九被脅不從係無辜之人自應予以釋放惟朱勳前次奏稱桂老九係賊中頭目分贓不公業被夥匪在燕子嶺殺斃等語何以彼此不符著該督等再行查明分別辦理

上又命軍機大臣傳諭百齡同興方受疇衡齡胡克家曰現在滑城克復逆黨殲除軍務大局已定惟

尙有飭拏未獲各犯其最要者如劉第五祝現劉  
呈祥董伯旺支進財五名及次要逆夥七十餘名  
均須按名查拏不任漏網著軍機處開單發往交  
該撫飭屬上緊嚴拏毋稍疎懈但必須緝獲正犯  
方爲有功審明後自必分別獎賞倘係邀功妄拏  
致有株連亦必重治其罪至該省調派防兵爲數  
不少日久未免勞費此時緝拏逸犯祇在地方文

武認真經理無需兵力且各該犯自皆就無兵處  
所潛逸伏匿若仍前安設重兵彼必望而却避轉  
於緝捕之道無益該撫應卽將原派兵酌量裁撤  
次第歸伍以息兵力而節糜費

上又命軍機大臣傳諭多隆武曰據同興奏邊防現  
已裁撤四川提督多隆武應令其卽回本任等語  
現在陝西岐山縣三才峽小王澗等處有匪徒掠

食滋事前有旨派令長齡楊遇春會同朱勳帶兵  
剿辦著多隆武迅速回川且不必回任先暫住川  
北地方派委精細員弁隨時偵探倘竄匪有入川  
之事卽督同桂涵羅思舉派撥兵勇迎頭截擊以  
防爲剿勿使一名闖入爲要

上諭內閣曰豫省滑縣地方甫經賊匪蹂躪小民室  
廬資用悉遭焚掠濬縣逼近賊氛被賊村莊甚多

其封邱等縣均有被賊滋擾之處該民人等蕩析  
離居深堪軫卹著加恩將滑縣濬縣歷年積欠及  
本年錢糧概行豁免十九年錢糧緩至秋後啟征  
其封邱陽武延津考城蘭陽新鄉獲嘉輝縣林縣  
等縣查明被賊村莊將歷年舊欠錢糧悉予豁免  
本年錢糧緩至來年麥後啟征以紓民力

上又諭內閣曰滑縣地方甫經賊匪蹂躪一切撫綏



安集亟資整頓道口鎮向爲商賈輻輳之區亦應  
專員分駐以資稽查彈壓著將滑縣知縣卽改爲  
題調繁缺無庸於通省查缺抵換道口鎮添設縣  
丞把總各一員縣丞由該省查缺移改把總卽於  
新設滑縣叅將屬下派撥分駐

上又諭內閣曰同興奏查明剿辦逆匪始終出力將  
領弁兵據實保奏一摺東省剿辦定曹逆匪復在

各邊境堵禦搜捕竄匪該將領弁兵等始終奮勉  
自應量予鼓勵著加恩將單開之膠州協副將寧  
德沂州協副將福寧阿青州營叅將段琨撫標右  
營遊擊五達色河標右營遊擊海凌阿均著賞戴  
花翎臨清營都司周添章著賞給陞銜並賞換花  
翎青州佐領蘇琿德州防禦多隆阿濟南城守營  
守備劉興隆德州驍騎校豐陞阿泰安營千總左

國寧充右營千總張慶曹州營把總霍學功青州  
營把總崔恒達撫標把總余鳳岐左壽寧効力武  
舉仙魁張鵬千總張燦英充右營外委石鵬齡俱  
著賞戴藍翎青州領催會林清州烏鎗長墨勒可  
慎德州前鋒長清穆克登額鳳祥俱著賞給武舉

臣等謹按信賞必罰國之大政而辦理軍務  
之時其繫於激勸者尤重三省剿辦邪匪領

兵大員督撫等節次保奏文武出力員弁我

皇上獎勵微勞無不立沛

恩施隨時

允准而

九重之上坐照如神

至公至明不能稍有朦混卽如此次同興保奏各員

弁先已

從其所請嗣

察其有冒濫情弊

密派章煦那彥寶前往秉公覆核次年秋間

特頒諭旨將原保之寧德霍學功仙魁會林等四人

所得

恩賞全行撤回其出力而未經保奏之千總馬承舉

外委王義如黃士文已革外委金玉魁四人

則

加之獎賞於是有功者不虞屈抑濫竽者無可倖邀

蓋

聖皇之操八柄以馭寰區

賞罰釐然所由人人感悅畏服也歟